



ს ა ქ ა რ თ ვ ი ლ ო
ეპლაქ ფოთის მუნიციპალიტეტის საკრებულო
SAKREBULO OF MUNICIPALITY OF POTI CITY



ბრძანება: ბ43.43220252

თარიღი: 25/01/2022

ქალაქ ფოთის მუნიციპალიტეტის საკრებულოს 2022 წლის 31 იანვრის სხდომისა და სხდომასთან დაკავშირებული საკრებულოს ბიუროს, კომისიების სხდომების დისტანციურად ჩატარების შესახებ

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული საკრებულოს რეგლამენტის 47¹ მუხლის შესაბამისად, საკრებულოს, საქართველოს კონსტიტუციით, საქართველოს ორგანული კანონით „ადგილობრივი თვითმმართველობის კოდექსი“ და წინამდებარე რეგლამენტით გათვალისწინებული უფლებამოსილება, ობიექტური გარემოებების არსებობისას, საკრებულოს თავმჯდომარის ბრძანებით შესაძლებელია განხორციელდეს დისტანციურად სათანადო ელექტრონული საკომუნიკაციო საშუალებების გამოყენებით. „ახალი კორონავირუსის (COVID 19) შესაძლო გავრცელების პრევენციის მიზნით საჯარო დაწესებულებებში საქმიანობის განსაკუთრებულ ღონისძიებათა განსაზღვრის შესახებ“ საქართველოს მთავრობის 2020 წლის 12 მარტის №529 განკარგულების მე-6 მუხლის „ა“ ქვეპუნქტის შესაბამისად, ეპიდემიური საფრთხის შემცირებამდე უნდა შეიზღუდოს დაწესებულების მიერ საჯარო ღონისძიებების ორგანიზება, გარეშე პირთა მონაწილეობით. საქართველოში ახალი კორონავირუსით (COVID 19) დაინფიცირებულ პირთა რაოდენობის გაზრდასთან დაკავშირებით და ახალი კორონავირუსის (COVID 19) შესაძლო გავრცელების პრევენციის მიზნით, მიზანშეწონილია ქალაქ ფოთის მუნიციპალიტეტის საკრებულოს 2022 წლის 31 იანვრის სხდომა და სხდომასთან დაკავშირებული კომისიების, ბიუროს სხდომა ჩატარდეს დისტანციურად, სათანადო ელექტრონული საკომუნიკაციო საშუალების გამოყენებით.

საქართველოს ორგანული კანონის „ადგილობრივი თვითმმართველობის კოდექსი“ 50-ე მუხლის შესაბამისად, მერია აღასრულებს საკრებულოს დავალებებს, ამდენად, ქალაქ ფოთის მუნიციპალიტეტის მერიამ უნდა უზრუნველყოს „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული საკრებულოს რეგლამენტის 47¹ მუხლის მოთხოვნების შესრულება, კერძოდ: ტექნიკურად (შესაბამისი სპეციალისტით უზრუნველყოფა და სხვა) უზრუნველყოს ქალაქ ფოთის მუნიციპალიტეტის საკრებულოს 2022 წლის 31 იანვრის სხდომისა და სხდომასთან დაკავშირებული კომისიების, ბიუროს სხდომების დისტანციურად ჩატარება.

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის პირველი და მე-3 პუნქტის „გ“ ქვეპუნქტის, საქართველოს კანონის „საქართველოს ზოგადი ადმინისტრაციული კოდექსი“ 52-ე, 53-ე მუხლების, „ახალი კორონავირუსის (COVID 19) შესაძლო გავრცელების პრევენციის მიზნით საჯარო დაწესებულებებში საქმიანობის განსაკუთრებულ ღონისძიებათა განსაზღვრის შესახებ“ საქართველოს მთავრობის 2020 წლის 12 მარტის №529 განკარგულების, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილების, შესაბამისად,

ვ ბ რ ძ ა ნ ე :

1. ახალი კორონავირუსის (COVID 19) შესაძლო გავრცელების პრევენციის მიზნით, ქალაქ

- ფოთის მუნიციპალიტეტის საკრებულოს 2022 წლის 31 იანვრის სხდომა და სხდომასთან დაკავშირებული კომისიების, ბიუროს სხდომები ჩატარდეს დისტანციურად, სათანადო ელექტრონული საკომუნიკაციო საშუალების გამოყენებით. შესაბამისი რეგულაციების დაცვის გათვალისწინებით, შესაძლებელია ზოგიერთი კომისიისა და ბიუროს სხდომები ჩატარდეს არადისტანციურად. საკრებულოს ბიუროს სხდომა ჩატარდეს 2022 წლის 31 იანვრის 11 საათზე, ხოლო საკრებულოს სხდომა 2022 წლის 31 იანვრის 12 საათზე.
2. ქალაქ ფოთის მუნიციპალიტეტის მერიამ ტექნიკურად (შესაბამისი სპეციალისტით უზრუნველყოფა და სხვა) უზრუნველყოს ქალაქ ფოთის მუნიციპალიტეტის საკრებულოს 2022 წლის 31 იანვრის სხდომისა და სხდომასთან დაკავშირებული კომისიების, ბიუროს სხდომების დისტანციურად ჩატარება.
 3. ქალაქ ფოთის მუნიციპალიტეტის საკრებულოსა და ბიუროს სხდომების დისტანციურად ჩატარებასთან დაკავშირებით, ელექტრონული საკომუნიკაციო საშუალების სახეობის არჩევას ახორციელებს საკრებულოს თავმჯდომარე/თავმჯდომარის მოვალეობის შემსრულებელი.
 4. ქალაქ ფოთის მუნიციპალიტეტის კომისიის სხდომის დისტანციურად ჩატარებასთან დაკავშირებით, ელექტრონული საკომუნიკაციო საშუალების სახეობის არჩევა განახორციელოს კომისიის თავმჯდომარემ, კომისიის წევრებთან შეთანხმებით.
 5. ქალაქ ფოთის მუნიციპალიტეტის საკრებულოსა და ბიუროს სხდომის დისტანციურად ჩატარებისას ტექნიკური ხარვეზის წარმოშობის შემთხვევაში, სხდომის დროებით შეჩერებისა და გადადების შესახებ გადაწყვეტილებას იღებს საკრებულოს თავმჯდომარე/თავმჯდომარის მოვალეობის შემსრულებელი, რაზედაც შესაბამისი საკომუნიკაციო საშუალებით ეცნობება საკრებულოს წევრებს და სხდომაში მონაწილე პირებს. სხდომის განახლების შესახებ საკომუნიკაციო საშუალებით წინასწარ ეცნობებათ საკრებულოს წევრებს და სხდომაში მონაწილე პირებს.
 6. ქალაქ ფოთის მუნიციპალიტეტის საკრებულოს კომისიის სხდომის დისტანციურად ჩატარებისას ტექნიკური ხარვეზის წარმოშობის შემთხვევაში, სხდომის დროებით შეჩერებისა და გადადების შესახებ გადაწყვეტილებას იღებს საკრებულოს კომისიის თავმჯდომარე/თავმჯდომარის მოვალეობის შემსრულებელი, რაზედაც შესაბამისი საკომუნიკაციო საშუალებით ეცნობება საკრებულოს წევრებს და სხდომაში მონაწილე პირებს. სხდომის განახლების შესახებ საკომუნიკაციო საშუალებით წინასწარ ეცნობებათ საკრებულოს წევრებს და სხდომაში მონაწილე პირებს.
 7. ქალაქ ფოთის მუნიციპალიტეტის საკრებულოს 2022 წლის 31 იანვრის სხდომაზე და სხდომასთან დაკავშირებული საკრებულოს ბიუროს, კომისიების სხდომაზე გარეშე პირების დისტანციურად მონაწილეობასთან დაკავშირებით, აღნიშნულმა პირებმა სხდომამდე ერთი საათით ადრე უნდა მიმართონ ქალაქ ფოთის მუნიციპალიტეტის საკრებულოს წერილობით ან ელექტრონულად ან ელექტრონული ფოსტის მეშვეობით, სადაც უნდა აღინიშნოს სხდომაზე დისტანციურად დასწრების მსურველი პირის მონაცემები. სხდომაზე დისტანციურად დამსწრე პირები ვალდებული არიან დაიცვან წესრიგი, წინააღმდეგ შემთხვევაში მათ მიმართ გატარდება შესაბამისი ღონისძიებები.
 8. ქალაქ ფოთის მუნიციპალიტეტის საკრებულოს აპარატმა განახორციელოს მოქმედი სამართლებრივი აქტებით გათვალისწინებული ღონისძიებები.
 9. აღნიშნული ბრძანებით გაუთვალისწინებელ საორგანიზაციო საკითხებზე გადაწყვეტილებას ღებულობს საკრებულოს თავმჯდომარე/თავმჯდომარის მოვალეობის შემსრულებელი.
 10. საქართველოს ორგანული განონის „ადგილობრივი თვითმმართველობის კოდექსი“ 62-ე მუხლის, საქართველოს კანონის „საქართველოს ზოგადი ადმინისტრაციული კოდექსი“ 52-ე მუხლის მე-2 ნაწილის, 178-ე მუხლის, საქართველოს კანონის „საქართველოს ადმინისტრაციული საპროცესო კოდექსი“ 22-ე მუხლის მე-3 ნაწილის, შესაბამისად, ბრძანება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).
 11. აღნიშნული ბრძანება გამოქვეყნდეს ქალაქ ფოთის მუნიციპალიტეტის ვებგვერდზე poti.gov.ge.
 12. ბრძანება ძალაშია ხელმოწერისთანავე.

აღექსანდრე ტყებუჩავა

ქალაქ ფოთის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი

